

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
Broj: 44 0 Pr 041531 25 Zm
Žepče, 01.01.2025.godine

Općinski sud u Žepču, sudac Dragica Dragičević, odlučujući po zahtjevu za izricanje zaštitne mjere podnesenog od PU Žepče broj 08-02-13/1-03-6-1/25 od 01.01.2025. godine, na osnovu čl. 11. i 12. Zakona o zaštiti od nasilja u porodici, donio je sljedeće:

RJEŠENJE

Osobi prijavljenoj za nasilje S.B.1 sin H. rođen ..., nastanjen u ... Ž. , JMBG... , izriču se mjere

I

- udaljenje iz stana, kuće ili nekog drugog stambenog prostora**, koja se nalazi u mjestu ... Ž.
- zabrana približavanja žrtvama nasilja** E.B.1 kćí Dž., E.B.2 sin S., S.B.2 sin S. i Mldb., nastanjenim u ..., Ž.

II

Mjere iz točke I ovog rješenja određuju se u trajanju od 6 (šest) mjeseci od dana donošenja rješenja.

Mjere se izriču zbog verbalnog i fizičkog napada na žrtve nasilja.

Zaštitnu mjeru će provesti PU Žepče koja je dužna sud mjesечно obavještavati pismeno o provođenju mjere a u slučaju nepostupanja po mjerama od strane S.B.1, obavijestit će sud odmah.

Žalba ne odlaže izvršenje zaštitnih mjeru.

OBRASLOŽENJE

Policjska uprava Žepče je podnijela zahtjev za izricanje zaštitne mjera obaveznog liječenja od ovisnosti iz čl.9. t.5. Zakona o zaštiti od nasilja u porodici FBiH i to u zahtjevu broj 08-02-13/1-03-6-1/25 od 01.01.2025. godine, obzirom da se dana 31.12.2024. godine dežurnoj službi PS Žepče obratila E.B.1 i prijavila nasilje u obitelji.

Nadalje u zahtjevu je navedeno da je dana 31.12.2024. prijavljeni počinitelj počinio nasilje u porodici iz čl. 7. stav.1. točka 1. 2. i 5. na način da je „[...]“.

Izvršen je uvid u predložene materijalne dokaze: zapisnik o saslušanju svjedoka broj 08-02-13/1-1/25, zapisnik o prijemu usmene prijave broj 08-02-13/1-1-/25, zapisnik o ispitivanju osumnjičenog broj 08-02-13/1-2/25, zapisnik o konsultaciji sa socijalnim radnikom, zapisnik o alkotestiranju S.B.1 od 31.12.2024.godine, liječnička dokumentacija i otpusno pismo od S.B.1, nalaz psihičkog vještačenja S.B.1, rješenje Općine Žepče.

Uvidom u zapisnik o prijemu usmene prijave broj 08-02-13/1-1-/25 i zapisnik o saslušanju svjedoka broj 08-02-13/1-1/25, sud utvrđuje da svjedokinja daje podudaran iskaz, kako policiji tako i sudu, zbog

čega je prihvaćena izjava oštećene kao uvjerljivo dokazno sredstvo koje potvrđuje da je kritičnog dana nasilje izvršio prijavljeni, fizičkim i verbalnim napadom na svoje članove obitelji.

Uvidom u zapisnik o ispitivanju osumnjičenog broj 08-02-13/1-2/25 utvrđuje se da prijavljeni osporava da je počinio nasilje, ističući da “(...)”, koji iskaz sud nije prihvatio jer istu izjavu je uzeo kao iskaz kojim prijavljeni izbjegava odgovornost za nasilje u obitelji.

Uvidom u o konsultaciji s organom starateljstva broj 08-02-13/1-01/25 od 01.01.2025.godine, kod predlaganja zaštitne mjere utvrđuje se da Policijska uprava u Žepču u JU Centar za socijalni rad Žepče, u cilju predlaganja zaštitnih mera, odnosno sprječavanja nasilja u obitelji, u konkretnom ovom predmetu jedinstvenog su stajališta pa su predložili da sud izrekne (...) mjeru obaveznog liječenja od ovisnosti iz čl.9. t.5. Zakona o zaštiti od nasilja u porodici. Kako sud nije vezan ovim prijedlogom, primjenom članka 20. prijavljenom je izrekao više zaštitnih mera kao u izreci ovog rješenja smatrajući ih opravdanim, s tim što u postupku izvršenja a nakon izvještaja nadležnih za izvršavanja ovih mjeru, sud može sukladno odredbi članka 22. a). Zakona o zaštiti od nasilja u obitelji zamijeniti ove mjeru ukoliko se ukaže potrebnim.

Uvidom u zapisnik o alkotestiranju S.B.1 od 31.12.2024.godine utvrđuje se da je prijavljeni bio u akloholiziranom stanju s koncentracijom alkohola u organizmu od 2,78 promila.

Uvidom u liječničku dokumentaciju i otpusno pismo od S.B.1, utvrđuje se da je isti morao nastaviti sa terapijom uz podršku supruge odnosno njegovim daljim ambulantnim liječenjem u nadležnom centru za mentalno zdravlje. Također se utvrđuje da je prijavljeni emocionalno nestabilna ličnost – impulsivni tip kod koga se razvio toksikomanski alkoholizam te da je prilikom hospitalizacije u “(...)” uspostavljena stabilna apstinencija, kao i njegova spremnost da apstinja u budućnosti.

Uvodim u nalaz psihičkog vještačenja S.B.1 utvrđuje se da je prijavljeni kronični alkoholičar toksikomanskog tipa u fazi apstinencije, kao i da kod pacijenta – prijavljenog postoji uvid u svu pogubnost daljeg nastavljanja sa uzimanjem alkohola pri čemu izražava čvrstu riješenost da neće ponovo recidivirati i ispoljavati nasilje prema članovima porodice. U zaklučku ovog nalaza decidno je navedeno da i dalje postoje opravdan i neophodan prisilni smještaj u (...) u trajanju od 3 mjeseca. Imajući u vidu da je vještačenje provedeno u 2. mjesecu 2019.godine, sud isto nije mogao uzeti kao relevantan dokaz u proceduri izricanja zaštitnih mera, pa je uz naglašavanje potrebe velikog opreza pri izvršavanju izrečenih zaštitnih mera u izreci ovog rješenja obavezao nadležne da u slučaju ukazivanja potrebe za zamjenu izrečenih zaštitnih mera sukladno odredbi čl.22.a). Zakona o zaštiti od nasilja u porodici iniciraju proceduru zamjene izrečenih zaštitnih mera mjerom obaveznog liječenja od ovisnosti u ustanovi zatvorenog tipa.

Cijeneći svaki dokaz pojedinačno i u međusobnoj vezi sud zaključuje da je prijavljeni počinitelj svoju suprugu i djecu verbalno i fizički napao na način da oni smatraju ozbiljnom prijetnjom po njihov život i mir u porodici.

Sud zaključuje a zbog trajanja bračnog nesporazuma, da bi se nasilje moglo ponoviti.

Zbog svega izloženog izrečene su zaštitne mjeru kao u dispozitivu shodno čl. 9. st.1. t.1). i 2). Zakona o zaštiti od nasilja u porodici.

Dužina trajanja zaštitnih mjer određena je kao vrijeme potrebno da se urede odnosi bračnih partnera ili da se isti prekinu.

Svrha izricanja zaštitnih mjer je prevencija ponavljanja bilo kakvog oblika nasilja, posredovanje i upravljanje konfliktom bračnih partnera, prijavljeni počinitelj neće se smatrati kažnjavanom osobom.

Ključna okolnost za izricanje zaštitnih mjer je uvjerenje suda o postojanju opasnosti od ponavljanja nasilja.

Za pripremanje, planiranje i provedbu zaštitne mjere nadležna je Policijska uprava na području žrtve nasilja u porodici, shodno Pravilniku o načinu provedbe zaštitnih mjera koje su u nadležnosti policije (Službene novine F BiH broj:9/06)

Sudac
Dragica Dragičević

Pouka o pravnom lijeku: Protiv ovog rješenja može se izjaviti žalba Kantonalnom sudu u Zenici u roku od 3 dana od dana prijema rješenja. Žalba se podnosi u tri primjerka, a putem ovog suda.